

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИ
ДАВЛАТ ТЕСТ МАРКАЗИ

ПРЕСС-РЕЛИЗ

1. ТЕСТ СИНОВИ ТОПШИРИЛАДИГАН ФАНЛАР МАЖМУАСИ: ЎЗГАРИШЛАР, ТЕСТ ТОПШИРИҚЛАРИ СОНИ ВА БАҲОЛАШ МЕЗОНИ.
2. АБИТУРИЕНТЛАРНИ ДАВЛАТ ТЕСТ МАРКАЗИНинг РАСМИЙ ВЕБ-САЙТИ ОРҚАЛИ ONLINE РЎЙХАТГА ОЛИШ ТИЗИМИ.
3. ДАВЛАТ (ЎЗБЕК) ВА РУС ТИЛИНИ БИЛИШ ДАРАЖАСИ ТЎҒРИСИДА СЕРТИФИКАТ БЕРИШНИ ЖОРИЙ ЭТИШ. БРИТАНИЯ КЕНГАШИ БИЛАН ҲАМКОРЛИКДА “APTIS for teachers” ТЕСТЛАРИНИ ЎТКАЗИШ ҲАҚИДА

ТОШКЕНТ-2019

Давлат бошқарув органи: Давлат тест маркази
Манзили: Тошкент шаҳар, Боғишамол кўчаси, 12-уй
Телефон: (71) 235 19 14, матбуот хизмати - (71) 234 64 21
Факс: (71) 234 71 84
эл. почта: info@dtm.uz
веб-сайт: www.dtm.uz

2019 йил 28 декабрь куни соат 11.00 да Ўзбекистон Республикаси Президенти Администрацияси хузуридаги Ахборот ва оммавий коммуникациялар агентлигида кейинги ўзгаришлар, лойиҳаларга бағишиланган матбуот анжумани ўтказилди. Матбуот анжуманида иштирок этган оммавий ахборот воситалари вакилларига Давлат тест маркази мутахассислари томонидан долзарб мавзууларга доир қуидаги маълумотлар тақдим этилди:

БИРИНЧИ МАСАЛА БЎЙИЧА. Ўзбекистон Республикаси Президентининг 2019 йил 15 майдаги ПҚ-3319-сон Қарорида 2020/2021 ўқув йилидан бошлаб давлат олий таълим муассасаларининг бакалавриат таълим йўналишларига қабул тест синовида абитуриентлар учта мажбурий фанлар – она тили (ўзбек, рус ёки қорақалпоқ тиллари), математика ва Ўзбекистон тарихи фанларидан тест синовидан ўтиши белгиланган. Фанлар мажмуаси, тестлар сони ва баҳолаш мезони декабрь ойида Давлат комиссияси томонидан тасдиқланган.

Мажбурий фанлар бўйича тест топшириқларининг намуналари жорий йил 22-30 октябрь кунлари. Қорақалпоғистон Республикаси, Самарқанд, Бухоро, Жиззах, Наманган, Тошкент вилояти ва Тошкент шаҳридаги академик лицей ва умумий ўрта мактаблари битирувчилари, жами 2357 нафар бўлажак абитуриентлар иштирокида ўзбек, рус ва қорақалпоқ тилларида апробациядан ўтказилди.

Шу билан бирга, мажбурий фанлардан шакллантирилган тест топшириқлари онлайн апробациядан ҳам ўтказилди.

Онлайн апробацияда хоҳлаганларга Давлат тест марказининг расмий веб-сайти орқали мажбурий фанлар бўйича тест топшириқлари намуналарини олиш ва апробацияда иштирок этиш, бу орқали ўз билимларини синаб кўриш имконияти яратилди.

Мазкур хизмат Давлат тест марказининг расмий веб-сайтида, <http://aprobatsiya.dtm.uz> манзилида олиб борилди.

ИККИНЧИ МАСАЛА БҮЙИЧА. Алоҳида қайд этиш керак – 2019 йилда олий таълим муассасаларига кириш учун абитуриентларни рўйхатдан ўтказиш ОТМ қабул комиссиялари ва Давлат хизматлари марказлари томонидан амалга оширилди. Кўпчиликка маълумки, қабулнинг охирги (8-15 июль) кунлари рўйхатдан ўтказиш жойларида навбатлар пайдо бўлди. Бу ўз навбатида абитуриентлар ва ота-оналарнинг эътиrozларига сабаб бўлди. Бугунги кунда ушбу салбий ҳолатларни олдини олиш мақсадида абитуриентларга Давлат тест маркази веб-сайти орқали рўйхатдан ўтказишни жорий этиш режалаштирилган. Бунда абитуриент ўзи яшаётган ихтиёрий (ўзи хоҳлаган) жойдаги интернет орқали рўйхатдан ўтиш имкониятига эга бўлади. Шунингдек, абитуриентларни мобиль телефон орқали рўйхатдан ўтказиш каби қулайлик яратиш устида ҳам иш олиб борилмоқда (мавзу бўйича видеоролик тақдим этилади).

УЧИНЧИ МАСАЛА БҮЙИЧА. Давлат тест марказининг 2019 йилнинг 25 ноябрдаги № 01-655 сонли буйруғларига мувофиқ CEFR талабларига мувофиқ рус тилини билиш даражасини баҳолаш бўйича B1 ва B2 даражали тест саволлари (3-та вариант) тайёрланди ва Банк-молия, Давлат бошқаруви академияси тингловчилари ва Давлат тест маркази ходимлари иштирокида апробациядан ўтказилди, тест синовларининг ёзма ишлари текширилди (жами 396-та талабгор). Сўровномалар ва статистик натижалар таҳлил қилинди.

Янги кўп даражали (multilevel test) тестлар яратилди ва Тошкент иқтисодиёт университетининг биринчи курс талабалари иштирокида апробациядан ўтказилди. Бунда ҳам сўровномалар ва статистик натижалар таҳлил қилинди.

Чет тилларни билиш ва эгаллаш даражасини баҳолаш бошқармасининг веб-сайтида тест топшириқларининг формати, мазмуни, тест синовларининг натижалари, халқаро тажрибага оид

маълумотлар ёритилмоқда, интерактив хизматлар саҳифаси мунтазам ишламоқда.

Муаммо ва уни ҳал этишга доир ишлар. Маълумки, тест синовларидан мувафақиятли ўта олмаган ўқитувчилар тақорий имтиҳонни олти ой кутишлари керак бўлмоқда. Бу вақт ичида базавий ойлик маошларига қўшиладиган 15-30% миқдоридаги устама пулинин олиш имкониятлари пасаймоқда.

Бундай муаммоли вазиятларни инобатга олган ҳолда ва уни ҳал этиш мақсадида, Британия Кенгаши билан ҳамкорликда иш олиб борилди. Ушбу ҳамкорлик натижасида “APTIS for teachers” тестларини ташкил қилиш ва ўтказиш юзасидан муҳим келишувларга эришилди.

Уларга кўра, “APTIS for teachers” тестлари Давлат тест маркази томонидан ҳар ойда бир маротаба ўтказилиши ҳамда натижалар Буюк Британия мутахассислари томонидан текширилиши ва 3 кунда эълон қилиниши белгиланди.

Давлат тест маркази матбуот хизмати